

**Siunnersuut: Sulisitsisut aamma atorfillit akornanni Inatsisitigut pissutsit pillugit  
Inatsisartut inatsisaat nr. xx, xx. 2013-meersoq**

**Kapitali 1**  
*Atorfillit tassaapput*

**§ 1.** Inatsimmi uani inuit makkua atorfilittut pineqarput:

- 1) Inuit pisortatigoortumik ingerlatsinermik, allaffissornermik, paassisutissiinermik, siunnersuinermerik, ilinniartsinermik imaluunniit ilisimatusarnermik suliaqartut.
- 2) Inuit assassinermik imaluunniit suliffissaqaqarnermik suliaqarnatik teknikkikkut imaluunniit timikkut misissuinermut tunngatillugu ikiuinermik suliaqartut, perorsaanermik suliaqartut allallu ikiortitut taakkununngalu assersunneqarsinnaasumik suliaqartut.
- 3) Inuit, sulisitsisoq sinnerlugu, allat suliamik ingerlatsinerannik aqutsinerinnarmik imaluunniit nakkutilliinerinnarmik suliaqartut imaluunniit piffissap annersaani aqutsinermik nakkutilliinermilluunniit pingaarnertut suliaqartut.
- 4) Inuit 1)-imi aamma 2)-mi taaneqartunik suliaqarnerusut.

*Imm. 2.* Inatsisip atorneqarnissaanut piumasaqaataavoq, pineqartup 18-inik ukioqalereersimanissa, sapaatip akunneranut agguaqatigiissillugu 15 tiimit sinnerlugit sulisitsisumit sulisinneqartarnissa aamma atorfilittut atorfeqarnissa, taamalu sulisitsisup malittarisassaataanik malinnittarnissa.

*Imm. 3.* Inatsit aamma killilimmik piffissaliilluni sulinissamik isumaqatigiissuteqarnermi atorneqassaaq. Killilimmik piffissaliilluni sulinissamik isumaqatigiissutaasut arlallit nutarterneqarnerat taamaallaat pisassaaq, nutarterineq piviusorsiortumik tunngaveqarpat. Killilimmik piffissaliilluni sulinissamik isumaqatigiissuteqarneq tassaavoq, tunngavissat piviusorsiortut, soorlu ulloq aalajangersimasoq, suliassap aalajangersimasup naammassineqarnera imaluunniit pisussap aalajangersimasup aallartinnera aallaavigalugu atorfinitsinneqarnermut piffissaliussap naanerata aalajangerneqarnera.

*Imm. 4.* Inatsimmi uani aalajangersakkat makkununnga atuutsinneqannigillat:

- 1) Atorfilinnut Naalagaaffimm, Namminersorlutik Oqartussani imaluunniit Kalaallit Nunaanni kommunini atorfeqartunut.
- 2) Umiartortunut.
- 3) Eqqumiitsuliortunut, nipilersortartunut aamma isiginnaartitsisartunut.
- 4) Atuartunut.

**Kapitali 2**  
*Atorfeqarnerup atorunnaarsinneqarnera*

**§ 2.** Soraarsitsinermi sulisitsisup aamma atorfiliup akornanni sulinissamik isumaqatigiissut taamaallaat atorunnaarsinneqarsinnaavoq, malittarisassat ataani pineqartut naapertorlugit sioqqutsumik kaleriinikkut. Tamanna aamma atuuppoq sulinissamik isumaqatigiissutip

taamaatinnissaa sioqqullugu killilimmik piffissaliilluni sulinissamik isumaqatigiissutip atorunnaarsinneqarnerani.

*Imm. 2. Sulisitsisup tungaanit soraarsitsineq pissaaq:*

- 1) Atorfinitssinneqarnermit qaammatit arfinillit siullit iluini, qaammatip ataatsip naanerani soraarnissamut minnerpaamik qaammat ataaseq sioqqullugu kalerriinikkut.
- 2) Qaamatini arfinilinni atorfegareernermi, qaammatip ataatsip naanerani soraarnissamut minnerpaamik qaammatit pingasut sioqqullugit kalerriinikkut.

*Imm. 3. Imm. 2, nr. 2 naapertorlugu soraarsitsinissamik kalerriineq, atorfegarnermi ukiut pingasukkuutaarlugit qaammammik ataatsimik ilaneqartassaaq, taamaattoq qaammatinik arfinilinnik amerlanerpaffilerlugu.*

*Imm. 4. Sulisitsisup uppernarsarpagu, utaqqiisaagallartumik sulinissaq pillugu isumaqatigiittoqarsimasoq, aamma qaammat ataaseq sinnerlugu sulinissaq sivisussuseqartussaanngitsoq uppernarsarpagu, imm. 2, nr. 1-im i malittarisassaq atuutissangilaq.*

*Imm. 5. Sulisitsisup uppernarsarpagu, misiligutaasumik atorfinitssisoqartoq, aamma qaammatit pingasut sinnerlugin sulinissaq sivisussuseqartussaanngitsoq, minnerpaamik ullut 14-it sioqqullugit kalerriinikkut sulisitsisoq soraarsitsissaaq.*

*Imm. 6. Utaqqiisaagallartumik sulinissaq pillugu isumaqatigiissuteqartoqarsimanngippat aamma qaammat ataaseq sinnerlugu sulinissaq sivisussuseqartussaanngippat imaluunniit misiligutaasumik atorfinitssisoqarsimanngippat qaammatillu pingasut sinnerlugin sulinissaq sivisussuseqartussaanngippat, qaammatip ataatsip naanerani soraarnissamut qaammat ataaseq sioqqullugu atorfilik soraarniuteqassaaq. Taamaattoq atorfiliup tungaanit soraarnissamik nalunaaruteqarfissap sivitsorneqarnissaa pillugu allaganngorlugu isumaqatigiissusiornikkut aalajangiisoqarsinnaavoq, tassa sulisitsisumit soraarsitsinissamik kalerriinissaq assigusumik sivitsorneqarsinnaasoq naatsorsuutigineqarsinnaappat.*

*Imm. 7. Atorfegarnerup sivisussusissaatut nalunaarutigineqartoq tunngavigalugu piffissap naannginnerani soraarnissamik kalerriisoqarniassamat, piffissaalluartillugu soraarniuteqartoqassaaq. Imm. 2, 3 aamma 6 naapertorlugin soraarnissaq allaganngorlugu nalunaarutigineqassaaq kingusinnerpaamik qaammatip naanerani soraarfissatut kalerriutigisap aallartinnginnerani qaammat ataaseq sioqqullugu. Atorfiliup piumasaqarneratigut soraarniuteqarnermut tunngaviusoq sulisitsisup allaganngorlugu paasissutissiissutigissavaa.*

*Imm. 8. Suliffeqarfimmi allamik piginnittoqalersimasumi atorfilik suliinnaruni, suliffeqarfipiup piginnittuata allanngunnginnerani atorfiliup suliffeqarfimmi atorfilittut sulilluni piffissaq atorsimasaa atorfegarsimanerup naatsorsorneqarneranut ilanngunneqassaaq.*

*Imm. 9. Sulinissamik isumaqatigiissummut atatillugu atorfilik taassumalu ilaqtai atorfegarnermut atatillugu ineqartinneqarpata, minnerpaamik qaammatit pingasut sioqqullugit sulisitsisoq soraarsitsinissamik kalerriissaaq. Akiliutissatut - akiliuteqannginnissamillu - isumaqatigiissutaasoq naapertorlugu atorfiliup ilaqtuttani peqatigalugit atorfegarnermut atatillugu inigisani soraarnermit qaammat ataaseq najugaqarfingissallugu pisinnaatitaavoq. Pisinnaatitaaffik taanna aamma atorfiliup toqukkut qimagunnerani ilaquaasunut atuuppoq. Sulisitsisulli suliffeqarfipiup pisariaqartitai eqqarsaatigalugit pisariaqarsoriguniuk, nuunnermut*

atatillugu aningaasartuutinik akiliilluni, ilaqtariit ingerlaannaq nuunnissaat piumasarissallugu pisinnaatitaaffigivaa.

*Imm. 10.* Inatsisit malillugit sulinermik unitsitsinissamik kalerriisoqartillugu, malittarisassat qulaani pineqartut inuussutissarsiorput kattuffiisa kalerriisarneq pillugu aalajangersagaannit atorunnaarsinneqassapput.

**§ 3.** Atorfilik suliffeqarfimmi ataatsimi ukiut 12-it, 15-it imaluunniit 18-it suliinnavissimalluni soraarsitaappat, sulisitsisup atorfiliup soraernerani qaammammi ataatsimi imaluunniit qaamatini marlunni pingasuniluunniit qaammamusiaassat nalingi tunniutissavai.

*Imm. 2.* Tamanna pillugu inatsit naapertorlugu atorfilik soraernermini utoqqalinersiuteqalissappat imm. 1-imi aalajangersagaq atuutissanngilaq.

*Imm. 3.* Imm. 1-imi aalajangersagaq aamma atuutissanngilaq, atorfilik soraernermini sulisitsisuminit utoqqalinersiuteqalersimappat aamma atorfilik 50-inik ukioqalersinnani soraernerussutisiat aaqqissuuussaanerannut ilanggussimappat.

*Imm. 4.* Imm. 1-imi aalajangersagaq tunngavissaqanngitsumik soraarsitsinermi atuutissaq.

**§ 4.** Atorfilik soraarsitaannginnermini suliffeqarfimmi pineqartumi sivikinnerpaamik ukioq ataaseq suliffeqaannavissimasoq, atorfiliimmut imaluunniit suliffeqarfimmut tunngatillugu naammaginanngitsumik tunngavilimmik soraarsitaappat, sulisitsisoq taarsiissuteqarluni akiliuteqassaaq. Atorfiliup qanoq sivisutigisumik sulisimanera aamma pisumi pissutsit allat eqqarsaatigalugit taarsiissutissap annertussusissaa aalajangersarneqassaaq, kisianni § 2, imm. 2 aamma 3 naapertorlugin soraarsitsinissamik kalerriiffissatut piffisaritinneqartup affaanut naleqquttumik atorfiliup akissarsiassai sinnerlugit taarsiissuteqartoqassanngilaq. Atorfilik soraarsitaanermini 30-nik ukioqalereersimassappat, taarsiissutissaq qaamatit pingasut tikillugit tunniunneqartassaaq.

*Imm. 2.* Atorfilik soraarsitaanermini suliffeqarfimmi pineqartumi sivikinnerpaamik ukiuni qulini suliffeqaannavissimappat, imm. 1 naapertorlugu qaamatini sismani aningaasarsiat nalinginik taarsiiffigineqassaaq. Suliffeqarfimmi kipiffeqanngitsumik ukiuni 15-ini sulisoqarsimappat qaamatini arfinilinni aningaasarsiat nalinginik taarsiissuteqartoqarsinnaavoq.

*Imm. 3.* Imm. 1-imi aamma 2-mi aalajangersakkut tunngavissaqanngitsumik soraarsitsinermi atuutissapput.

**§ 5.** Sulisitsisup atorfilik tunngavissaqanngitsumik suliffimmini sulisikkusunngippagu imaluunniit tunngavissaqanngitsumik suliffianit peersippagu, aamma atorfilik suliunnaarsinneqarnissaminut § 2 naapertorlugu kingusinnerpaamik qaamatit pingasut sioqqullugit kalerrinneqartussaappat, taava sulisitsisoq malittarisassat nalinginnaasut akisussaaffimmik annerusumik nassataqassanngippata pisussaavoq taarsiissuteqassalluni, atorfekartinneqartup malittarisassat malillugit ullormi pineqartumi soraarsitaaffissaata tungaanut imaluunniit –

soraarsitsinissamut killissarititaasoq aalajangiullugu soraarsitaareersimappat - aningaasarsiassat nalinginik taarsiissuteqassalluni. Malittarisassat taakku aamma atuupput, atorfiliup piffissami killilimmi atorfeqartineqartup atorfeqartineqarnerata qaammatinik pingasuinnanngornerani aamma atorfeqarnerata qaammatit pingasut inulersimappagit.

*Imm. 2.* Sulisitsisup tunngavissaqanngitsumik sulinermik unitsitsinerani, atorfilik qaammatit pingasut sinnerlugit sioqqutsisumik kalerrinneqartussaatitaappat, taarsiissutissaq taarsiissuteqarnissamut malittarisassat nalinginnaasut naapertorlugit aalajangersarneqassaaq. Malittarisassat taakku aamma atuupput, atorfiliup piffissami killilimmi atorfeqartineqartup atorfeqartineqarnermini qaammatit pingasut sinnerlugit amigaatigippagit. Taamaattoq § 2 naapertorlugu qaammatinik pingasunik sioqqutsisumik kalerrinneqarnermi soraarnissap tungaanut aningaasarsiassat nalinginik atorfilik taarsiiffigineqarnissamut minnerpaamik piumasaqaateqarsinnaavoq.

*Imm. 3.* Paragraffimi uani aalajangersakkat aamma atuupput, sulisitsisup tungaanit annertuumik eqquunngitsuliortoqarneratigut sulinermik atorfiliup unitsitsinerani.

**§ 6.** Atorfiliup tunngavissaqanngitsumik suliffimmi sulilernissaq ilaginnarpagu imaluunniit suliffik qimappagu, imaluunniit atorfiliup isumaqtigiisummik annertuumik atornerluineranik pissuteqartumik sulisitsisup suliffik atorunnaarsippagu, taava sulisitsisoq annaasaqarnerminut taarsiiffigineqarnissamut pisinnaatitaavoq. Tunngavissaqanngitsumik suliartunngitsoornermi, imaluunniit suliaq qimanneqarpat, sulisitsisoq, immikkut ittumik pisoqarsimatinngagu, qaammatip affaani aningaasarsiassat nalinginik taarsiiffigineqarnissamut pisinnaatitaavoq.

### **Kapitali 3**

*Atorfiliup pisinnaatitaaffii pisussaaffiilu  
Napparsimaneq*

**§ 7.** Atorfilik nappaammik pissuteqartumik suliamik isumaginnissinnaanngippat, taassuma malitsigisaanik sulinngitsoorneq malittarisassanik unioqqutitsinnginnertut isigineqassaaq, tassa atorfilik atorfeqarnermi nalaani siunertarinngisamik imaluunniit mianersuaalliungaatsiarnikkut napparsimalersimanngippat, imaluunniit atorfinitssinneqarnermini eqquunngitsuliorluni nappaatigisamik oqaatiginnissimannngippat.

*Imm. 2.* Atorfilik katillugit ulluni 120-ni napparsimanermi nalaani qaammatini aqqaneq marlunni tulleriinni akissarsiaqarsimappat aamma napparsimalluni sulinnginnersa sulinermi ajoqusernermik pissuteqanngippat, atorfeqartitsinerni ataasiakkaani allaganngorlugu isumaqtigiisussiornikkut aalajangersarneqarsinnaavoq, atorfiliup qaammatip naanerani soraarnissaanut qaammat ataaseq sioqqullugu soraarnissaanik kalerriisoqassasoq. Soraarsitsinerup atorneqarsinnaaneranut piumasaqaataavoq, ulluni 120-ni napparsimanerup naaneranut atatillugu tamanna pissasoq, aamma atorfiliup suli napparsimanerani, akerlianik soraarsitsereernermeri atorfilik suleqqilersimappat tamatuma atorneqarsinnaanera sunniuteqassanngilaq.

*Imm. 3.* Sulisitsisup akissarsiaqartitsinermut ilaatillugu atorfilik nerisaqartillugulu ineqartippagu, atorfiliup sulisitsisup inaani najugaqarnerani, atorfilik napparsimatillugu sulisitsisoq paaqqutarinninnissamut pisussaavoq.

*Imm. 4.* Ullut 14-it sinnerlugit napparsimasoqarpat, atorfiliup qanoq sivisutigisumik napparsimasinnaanera pillugu paassisutissanik erseqqarinnerusunik atorfiliup nakorsaanut imaluunniit immikkut ittumik ilisimasalimmut atorfiliup toqqagaanut sulisitsisoq piumasaqarsinnaavoq – atorfiliimmut aningaasartuutaanngitsumik. Tamanna pillugu naammattumik tunngaviliisinnaanani atorfilik pisussaaffimmik tassannga naammassinninngippat, sulisitsisup kalerreeqqaarnani sulineq atorunnaarsissinnaavaa.

### *Sakkutuujusussaaneq*

**§ 8.** Sulisitsisup atorfilik soraarsissallugu pisinnaatitaanngilaq, atorfilik inuiaqatigiinni sakkoqarani ikiuuttussaatitaalluni imaluunniit sakkutuutut atortulorsorluni sakkutuunngooqquaalluni aggersarneqarpat. Soraarsitsinermi sulineq taamaallaat § 2 naapertorlugu unitsinnejarsinnaavoq, aamma paragraffimi tassani imm. 2 naapertorlugu atorfilik aningaasarsiaqarsinnaatitaavoq. Atorfiliulli pisussaaffigivaa, piffissaq aggersarneqarfiusoq pillugu nalunaarummik tigusaqarniariarluni sulisitsisumut nalunaaruteqarnissaq, aggersarneqannginnermili ima siusitsigisumik nalunaaruteqassaaq, qaammat aggersarneqarfiusoq sioqqullugu atorfilik § 2, imm. 6 malillugu qaammatip naaneranut soraarniuteqassalluni. Siullermik aggersarneqarnermit nalunaaruteqartoqanngippat, ulloq aggersarneqarfik eqqarsaatiginagu sulisitsisoq kalerreeqqaarani sulinermik atorunnaarsitsisinnaavoq, aamma kingusinnerusukkut nalunaaruteqartoqarpat, siusissukkut nalunaaruteqannginnermik pissuteqartumik annaasaqarnermi sulisitsisoq taarseeqqusisinnaavoq.

*Imm. 2.* Aggersarneqarnerup siulliup nalaani aningaasarsiaqarnissamik atorfilik pisinnaatitaaffeqanngilaq, akerlianik kingusinnerusukkut aggersaasoqartillugu qaammammi aggersarneqarfiusumi taassumalu tulliani sulisitsisoq pisussaavoq akissarsiaqartitsissalluni.

*Imm. 3.* Sakkutuunngoriartoqeqquaareernerup kingorna atorfefqarsimanerup sivisussusia allanngortinnagu atorfilik suliffiminut uteqqissinnaatitaavoq. Pisinnaatitaaffik tamanna atorfiliup atorniaruniuk, imm. 1 naapertorlugu aggersarneqarneq pillugu nalunaaruteqarnini ilutigalugu tamanna pillugu sulisitsisumut nalunaaruteqartussaavoq, taamalu angerlartinneqarnermini suliffimmut uteqqinnissamut pisussaalluni.

### *Atorfilik toquppat*

**§ 9.** Atorfilik atorfefqarnermi nalaani toquppat, atorfiliup nulia/uia imaluunniit taassuma meerai 18-it inorlugit ukiullit atorfiliup pilersuisussaaffigisai qaammammi ataatsimi imaluunniit qaammatini marlunni pingasuniluunniit akissarsiaqartinneqassapput, tassa atorfilik toqunermi nalaani suliffimmi ukiumi ataatsimi imaluunniit ukiuni marlunni pingasuniluunniit atorfefqarsimappat.

*Angalanermut, najugaqarallarnermut assigisaannullu aningaasartuutit*

**§10.** Atorfilik sulisitsisoq sinnerlugu sulinerminut atatillugu angalanermut, najukkap avataani najugaqarallarnermut assigisaannullu aningaasartuuteqaruni, aningaasartuutaasinnaasut tamaasa sulisitsisumut isumagittinnissai atorfiliup pisinnaatitaaffigivaa aamma aningaasartuutinut taakkununnga atorfiliup akiliuteqarnissaanut naleqquttumik siumoortinnissaa sulisitsisup pisussaaffigivaa. Tamanna aamma atuuppoq, aningaasartuutit taaneqartut aningaasarsiaassatut tunisaqarnermilu akissarsiaassatut isumaqatigiissutaasut malillugit akilerneqarneranni, sumiiffimmili tunisaqarnermi nalinginnaasumik aningaasartuutaasut matussuserneqarsinnaanngillat.

**§ 11.** Tunisaqarnermi akissarsiaassanik siuumoorneq atorfiliup aningaasarsiaassaanit imaluunniit tunisaqarnermi akissarsiaanit matussuserneqarnissaat sulisitsisup kisimi piumasarisinnaavaa, nalinginnaasumillu akileeqqusinerussanani.

*Imm.2.* Tunisaqarnermi isertitat, atorfiliup piffissami pineqartumi suliaqarnermini akornusersorneqarani isertitarisimasinnaasai tunngavigalugit §§ 4-mi, 5-im, 7-im, 8-mi aamma 9-mi atorfilinnut tunisatik tunngavigalugit akissarsialinnut akiliutissat pineqartut naatsorsorneqassapput.

*Aaqqissuussisinnaatitaaneq, isumaqatiginninniarneq isumaqatigiissitsiniarnerlu*

**§ 12.** Atorfillit soqtigisaminnik isumaginninnissamut aaqqissuussisinnaatitaapput, namminnerlu akissarsiatik sulinerminnilu atugarisatik pillugit paasissutissanik kattuffimminnut tunniussisinnaatitaallutik.

*Imm. 2.* Sulisitat/sulisut tamarmik akissarsiatik sulinerminnilu atugarisatik pillugit kattuffitsik aqqutigalugu suliffeqarfiup pisortaanut isumaqatiginninniarnermi piumasaqarsinnaatitaapput. Isumaqatiginninniarnermi angusat atsiorneqarsimasut isumaqatiginninniartut tamarmik pigissavaat.

*Imm. 3.* Isumaqatiginninniarnermi angusarineqartut isumaqatiginninniartunit tamanit atsiorneqassapput. Isumaqatiginninniarnermi angusat atsiorneqarsimasut isumaqatiginninniartut tamarmik pigissavaat.

*Imm. 4.* Isumaqatiginninniarnermi isumaqatiginninniartut akornanni isumaqatigitiqanngippat, imaluunniit illuatungiliuttoq isumaqatiginninniarnermik sumiginnaappat, isumaqatiginninniartoq kinaluunniit pisinnaatitaaffeqarpoq, §§ 13 – 16-im i malittarisassat malillugit isumaqatiginninniarnerup isumaqatigiissitsiniartartumik ingerlateqqinneqarnissaanik piumasaqarnissamut.

**§ 13.** § 12 naapertorlugu illuatungeriit kina isumaqatigiissitsiniartorissanerlugu isumaqatigiissinnaanngippata, illuatungeriinnit inassuteqaatit malillugit Kalaallit Nunaanni Eqqartuussiviup isumaqatigiissitsiniartussaq toqqassavaa.

*Imm. 2.* Isumaqatigiissitsiniartussamik toqqaaneq pillugu saaffiginnissut allaganngorlugu saqqummiunneqassaaq, § 12, imm. 3-milu isumaqatiginninniarnermi angusanut pineqartunut

naatsumik suliassatut saqqummiinermik ilallugu ilanngunneqassalluni.

Isumaqtiginninniaqataasulli isumaqtiginninniarnermik sumiginnaaneranik pissuteqartumik isumaqtigiissitsiniartoqarnissamik kissaateqartoqartillugu suliassamik saqqummiineq naatsoq kisimi ilanngunneqassaaq.

**§ 14.** Toqqaasoqareernerani kingusinnerpaamik ullut tallimat qaangiunneranni isumaqtigiissitsiniartussap illuatungeriit isumaqtiginninniarnissamut qaaqqussavai, isumaqtiginninniarnissamullu piffissaq sumiiffissarlu nalunaarutigissallugu.

*Imm. 2.* Isumaqtigisiartup illuatungeriit akornanni isumaqtigiiitoqarnissaq anguniassavaa. Tamanna iluatsinneqanngippat, isumaqtigiissitsiniartussatut toqqarneqartup isumaqtiginninniarneq pillugu nalunaarusiaq Kalaallit Nunaanni Eqqartuussiveqarfimmut tunniutissavaa. Nalunaarusiapi assilinera upternarsaatitut illuatungeriit pissavaat.

**§ 15.** Isumaqtigiissitsiniartartumik ataatsimeeqateqannginneq akiliisitsinermik landskarsimut nakkartussamik kinguneqartinneqarsinnaavoq. Inuit inatsisilerinermik suliaqartut Kalaallit Nunaanni pinerluttulerinermut inatsimmi kapitali 5-im i maleduaqqusat malillugit akiliisitaasussanngortinneqarsinnaapput.

**§ 16.** Isumaqtigiissitsiniartartut akissarsiaqartinneqassapput. Isumaqtigiissitsiniartartussatut toqqarneqartut pineqartillugit, akissarsiassaq Kalaallit Nunaanni Eqqartuussivimmit aalajangersarneqassaaq.

*Imm. 2.* Isumaqtigisiartussaq Kalaallit Nunaanni Eqqartuussivimmit toqqarneqarpal, isumaqtigiissitsiniarnermut atatillugu aningaasartuutit pisortanit siuortumik akilerneqassapput, illuatungeriilli tamarmik tamanna avillugu akilissavaat. Kalaallit Nunaanni Eqqartuussisarnermik inatsimmi maleduaqqusat malillugit pinngitsaaliisummik akiliisineqarsinnaapput.

#### *Allamik suliassaqartitaaneq suliaqarnerlu*

**§ 17.** Atorfilik sulisitsisumit akuersisummik peqqaanngikkaluarluni suliffimmi avataatigut allamik suliaqarsinnaatitaavoq, suliassaq sulisitsimut ajoqutaanani isumagineqarsinnaappat aamma atorfimmut ataqqinninnissamut tatiginninnissamullu akerliunngippat.

**§ 18.** Atorfilik soraarniumminik tunniussereerpat imaluunniit soraarsitaareerpat, sulisitsisup atorfilik allamik suliffissarsiorissaanut periarfissillugu sulinngiffeqartissavaa. Sulinngiffeqartitaanerulli aningaasarsiatigut ilanngaatitaqanngitsup ullut suliffiusussat tallimat sinnissanngilai. Suliffissarsiornerup suliffeqarfimmut ajoqutaannginnerpaaffianiinnissaanik sulisitsisup kissaateqarnera atorfiliup eqarsaatigissavaa.

**§ 19.** Atorfiliup piffissami sumi sulisimanerluni, suliaq suna pingaarnertut suliarisimanerlugu aamma qanoq aningaasarsiaqarsimanerluni sulisitsisumit allaganngorlugu sukkulluunniit uppernarsartissinnaavaa.

*Imm. 2.* Aalajangersakkamik tassanga unioqqutitsineq akiliisitsinermik landskarsimut nakkartussamik kinguneqartinneqarsinnaavoq. Inuit inatsisilerinermik suliaqartut Kalaallit Nunaanni pinerluttulerinermut inatsimmi kapitali 5-imi maleruaqqusat malillugit akiliisitaasussanngortinneqarsinnaapput.

**§ 20.** Atorfilik isumaqatigiissuteqarnikkut imaluunniit pisarnertut kajumissaatinik, angusaqarsimaneq aallaavigalugu aggnisianik assigisaannilluunniit pisartagalik ukiup naatsorsuuteqarfiusup ingerlanerani suliunnaarpat, pisartakkallu ilaannik pisinnaatitaaffeqarnermini ukiup naatsorsuuteqarfiusup naanerani imaluunniit pisartakkat tunniunneqarfigisartagaanni suliffimmi suliinnarsimaguni tunineqassaaq.

*Unammilleqatigiinneq sullitallu pillugit aalajangersakkat*

**§ 21.** Atorfilik imminut pisussaafflersimappat, unammilleqatigiinneq eqqarsaatigalugu niuertarfimmik suliffimmilluunniit arlaannik ingerlatsiniarnani imaluunniit taama ittumi atorfininniarnani, isumaqatigiissuteqartarneq pillugu inatsimmi §§ 36 aamma 38 atuutissapput. Pisussaaffik atorfilikimmut immikkut ittumik tativisaasumut taamaallat atuutsinneqarsinnaavoq, aamma ullormit soraarfimmit qaammatit aqqaneq marluk tikillugit taamaallaat atuutsinneqarsinnaavoq, taamaallaallu inuussutissarsiorsinnaanermi killilerneqarnermut naammaginartumik taartisiassaqarnissamut allaganngorlugu isumaqatigiissummik atorfilik pissarsisimappat ima-luunniit pissarsippat. Taartisiassap annertussusaa isumaqatigiissummi immikkut allassimassaaq, ullormili soraarfimmi minnerpaamik qaammamusiat pingajorarterutaannik annertussuseqassalluni. Taartisiaqarsinnaatitaaneq atorunnaassaaq, sulisitsisup atorfilik tunngavissaqartumik soraarsissimappagu.

*Imm. 2.* Sulisitsisup isumaqatigiissut imm. 1-imi oqaatigineqartutut atorunnaarsissinnaavaa. Tamanna qaammatip ataatsip naanissaanut qaammat ataaseq sioqquillugu kalerriinikkut pissaaq.

*Imm. 3.* Atorfilik sulisitsisumini qaammatit pingasut taakkuluunniit inorlugit sulisimappat, imm. 1 naapertorlugu isumaqatigiissut atuutissanngilaq, imm. 1-ilu malillugu taartisiaqartitsisoqassanngilaq. Atorfilik sulisitsisumini qaammatit pingasut sinnerlugit, sivisunerpaamilli qaammatini arfinilinni sulisimappat, isumaqatigiissut soraarnermit qaammatit arfinillit sinnerlugit atuutsinneqarsinnaanngilaq.

*Imm. 4.* Inatsisip ullormi atuutilerfiata kingorna ataatsimoorussamik isumaqatigiissusiornikkut, isumaqatigiissutit imm. 1-imi taaneqartut imassaat aamma atugassarititaasut pillugit malittarisassanik aalajangersaasoqarsimappat imm. 1-3 atuutissanngillat.

**§ 22.** Atorfiliup soraareernermeri kingorna sulisitsisorisimasami sullitaani niuernermilu atassuteqaataani allani atorfeqalinnginnissamik imaluunniit toqqaannartumik toqqaannanngitsumilluunniit taakkuninnga inuussutissarsiutitigut attaveqaateqannginnissamik pisussaaffeqarnera taamaallaat atuutsinneqassaaq, soraannginnermini qaammatit aqqaneq marluk kingulliit iluanni sullitanik il.il. pineqartunik niuernikkut atassuteqartoqartarsimappat. Aammattaaq pisussaaffik taamaallaat atuutissaq sullitanik il.il. atorfiliup sulisitsisorisimasami inuussutissarsiutitigut attaveqarfigisimasaanut tunngatillugu. Allatigut isumaqatigiissuteqartarneq pillugu inatsimmi § 36 atuutissaq.

*Imm. 2.* Pisussaaffik atorfiliimmut taamaallaat atuutsinneqarsinnaavoq ullormit soraarfimmit aallartittumik qaammatini aqqaneq marlunni, taamaallaallu inuussutissarsiuteqarsinnaanermut killiliiffingineqarnermi naammaginartumik taartisiaqarnissamut atorfilik allaganngorlugu isumaqatigiissummik tigusaqarsimappat imaluunniit tigusaqarpat. Taartisiassaq taanna isumaqatigiissummi immikkut allassimassaaq, ullormili soraarfimmi qaammammut minnerpaamik qaammamusiat pingajorarterutaannik annertussuseqassalluni. Atorfilik § 21 naapertorlugu taartisiaqartinneqarpat, sullitat pillugit aalajangersakkanut tunngatillugu taartisiaqarsinnaatitaaneq atorunnaassaaq. Taartisiaqarsinnaatitaaneq atorunnaassaaq, sulisitsisup atorfilik tunngavissaqartumik soraarsissimappagu.

*Imm. 3.* Sulisitsisup isumaqatigiissut imm. 2-mi oqaatigineqartutut atorunnaarsissinnaavaa. Tamanna qaammatip ataatsip naanissaanut qaammat ataaseq siqqullugu kalerrinikkut pissaaq.

*Imm. 4.* Atorfilik sulisitsisumini qaammatit pingasut taakkuluunniit inorlugit sulisimappat, imm. 1 naapertorlugu isumaqatigiissut atuutissanngilaq, imm. 2-lu malillugu taartisiaqartitsisoqassanngilaq. Atorfilik sulisitsisumini qaammatit pingasut sinnerlugit, sivisunerpaamilli qaammatini arfinilinni sulisimappat, isumaqatigiissut soraarnermit qaammatit arfinillit sinnerlugit atuutsinneqarsinnaanngilaq.

*Imm. 5.* Inatsisip ullormi atuutilerfiata kingorna ataatsimoorussamik isumaqatigiissusiornikkut, isumaqatigiissut imm. 1-im i taaneqartut imassaat aamma atugassarititaasut pillugit malittarisassanik aalajangersaasoqarsimappat imm. 1-4 atuutissanngillat.

## **Kapitali 4**

*Aalajangersakkat allat atuutilerfissaallu*

**§ 23.** Suliffeqarfiup aqqa najugaalu taaneqaratik suliffeqarfik ussassaarineq aqqutigalugu inatsimmi matumani pineqartunik sulisussarsiorpat, suliffissarsiortut sumik ilinniagaqarsimassanersut aamma qanoq piginnaasaqartuussanersut, kiisalu suliffimmi pineqartumi minnerpaamik qanoq akissarsiaqartitsisoqassanersoq ussassaarummi erseqqarissumik takuneqarsinnaassaaq.

*Imm. 2.* Sulilernissamut aningaasanngorlugu qularnaveeqquseeqqusinissaq piumasagaataappat, ussassaarummi suliffeqarfiup aqqa najugaalu allassimassaaq.

*Imm. 3. Aalajangersakkanik taakkuninnga unioqqutitsineq akiliisitsinermik landskarsimut nakkartussamik kinguneqartinneqassaaq. Inuit inatsisilerinermik suliaqartut Kalaallit Nunaanni pinerluttulerinermut inatsimmi kapitali 5-imik maleruaqqusat malillugit akiliisitaasussanngortinneqarsinnaapput.*

**§ 24.** Inatsimmi uani aalajangersakkat, illuatungeriit akunnerminni atorfilimmut iluaqutaangitsumik isumaqatigiissuteqarnerisigut, avaqqunneqarsinnaanngillat, tak. § 21, imm. 4 aamma § 22, imm. 5.

*Imm. 2. Naalakkersuisut immikkut ittumik pisoqartillugu, aalajangersakkani §§ 2-mik aamma 7-imik avaqqussisinnaanngortitsisumik malittarisassanik aalajangersaasinnaapput, tassa tamanna atorfilimmut ajoqusiissanngippat.*

**§ 25.** Inatsisartut inatsisaat 1. januar 2014-imik atuutilerpoq.

*Imm. 2. § 21 aamma § 22 1. januar 2014-imik atuutilissapput, pisussaaffinnik 1. januar 2014-imi kingusinnerusukkulluunniit atuutilertussanik ilaqartillugit.*

*Namminersorlutik Oqartussat, ulloq xx.xx. 2013*

Aleqa Hammond